

Broj: 03-05-663/2017
Sarajevo, 09.08.2017.godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI - ZASTUPNIČKI DOM
SARAJEVO

PRIMLJENO:	15-08-2017
Org. jed.	05/2-02-275/17
Broj	
Priloga	
Priloge	

PARLAMENT FEDERACIJE BOSNE I HERCEGOVINE

Predstavnički dom
gosp. Željko Mirković, poslanik
gđa. Stela Ibrović, v.d. sekretara

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

Priljeno:	15.08.2017
Org. jed.	05/2-02-275/17
Broj	
Priloga	
Priloge	

Predmet: Odgovor na poslaničko pitanje

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10 i 62/10), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07 i 2/08), u prilogu Vam dostavljam odgovor na poslaničko pitanje, koje je postavio poslanik Željko Mirković, na 22. redovnoj sjednici Predstavničkog doma Parlamenta Federacije Bosne i Hercegovine, održanoj 16.5.2017. godine, a koji je dostavljen aktom Federalnog ministarstva poljoprivrede, vodoprivrede i šumarstva, broj: 03-1-24/3-1464/17 SH od 01.08.2017. godine.

S poštovanjem,

SEKRETAR VLADE

mr. sc. Edita Kalajdžić

BOSNA I HERCEGOVINA
FEDERACIJA BOSNE I HERCEGOVINE
Federalno ministarstvo poljoprivrede
vodoprivrede i šumarstva

Broj: 03-1-24/3-1464/17 S.H.
Sarajevo, 01.08.2017. godine

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BIH
n/r sekretara Vlade

BOSNA I HERCEGOVINA
FEDERACIJA BOSNE I HERCEGOVINE
PREDSTAVNIČKI/ZASTUPNIČKI DOM PARLAMENTARNE SKUPŠTINE
n/r sekretara Predstavničkog/Zastupničkog doma

Zastupnica Predstavničkog/Zastupničkog doma
n/r Željko Mirković, poslanik

74871

BOSNIA AND HERZEGOVINA
FEDERATION OF BOSNIA AND HERZEGOVINA
Federal Ministry of Agriculture, Water
Management and Forestry

BOSNA I HERCEGOVINA
FEDERACIJA BOSNE I HERCEGOVINE
VLADA
BEOGRAD

7.8.2017
03-05-663/2017

PREDMET: Odgovor na poslaničko pitanje, dostavlja se -
VEZA: Vaš akt broj:05/2-02-275/17 od 07.07.2017.g.

Poštovani,

Vezano za poslaničko pitanja koje je postavio g-din Željko Mirković, a koja se odnosi na aktivnosti koje je poduzelo Federalno ministarstvo poljoprivrede, vodoprivrede i šumarstva da se zaštite poljoprivredni proizvođači malina, imajući u vidu štete koje su nastupile kod ove kategorije poljoprivrednih proizvođača i ko je doveo malinare u ovako težak položaj, dajemo sljedeći odgovor:

Poznato Vam je da se za podršku poljoprivredi iz Budžeta Federacije BiH izdvajaju nedovoljna sredstva. Ta izdvajanja ne iznose niti minimalnih 3% kako je propisano u članu 3. stav (2) Zakona o novčanim podrškama u poljoprivredi i ruralnom razvoju („Službene novine Federacije BiH“, broj 42/10). Zbog nedostatnih sredstva od 2012. godine nismo bili u mogućnosti planirati novčanu podršku za investicije u poljoprivredi (hladnjače, destilerije, opremu, mehanizaciju, objekte), zatim podršku izvozno orjentisanoj proizvodnji, otkupljivačima, prerađivačima i sl. Tako da proizvođači u konkretnom slučaju malina, kao i niza drugih poljoprivrednih proizvoda, nisu u mogućnosti proizvesti proizvode sa dodanom vrijednošću već su primorani da prodaju na domaćem i ino tržištu svoje proizvode koji predstavljaju sirovinu za dalju preradu, jer nemamo podrške za ulaganja u prerađivačke kapacitete.

Značajno je istaći da kantontonalna ministarstva umanjuju izdvajanja za novčane podrške u poljoprivredi pa je to npr. od 2011. godine sa oko 30 miliona KM svedeno na 18,5 miliona u protekloj godini. Međutim i pored umanjenog izdvajanja

kantonalne novčane podrške mogu biti usmjerene na proizvodnje koje predstavljaju komparativnu prednost tog kantona, tako da određeni kantoni u kojima je značajnije zastupljena proizvodnju maline mogu izdvojiti veća novčana sredstva za podršku ovim proizvodnjama.

Kada se radi o formiranju cijena maline možemo konstatovati da je formiranje cijena na tržištu u BiH slobodno, jer smo potpisnici Sporazuma o stabilizaciji i pridruživanju (SSP) između BiH i EU, i da cijene određenih proizvoda isključivo zavise od ponude i potražnje u datom momentu, odnosno ne postoji mehanizam kojim bi država odredila cijenu određenog proizvoda na tržištu.

Također je značajno napomenuti da ovo Ministarstvo nije bilo ni na koji način uključeno u podizanje velikih površina malinjaka u Federaciji BiH u posljednjih nekoliko godina. Naime, proizvođači su samoinicijativno ušli u ovu proizvodnju bez konsultacija sa ovim Ministarstvom, a koliko nam je poznato i bez konsultacija sa drugim nivoima vlasti (kantona, gradova i općina), u pogledu odabira sorti, adekvatnih lokaliteta planiranja proizvodnje i sl.

Pored navedenog želimo Vas informisati da Jedinica za koordinaciju Projekta razvoja stočarstva i ruralnog finansiranja ovog Ministarstva implementira IFAD-6 Projekat razvoja ruralnog poslovanja (Rural Business Development Project) koji se trenutno realizuje na području 27 općina u FBiH. U okviru navedenog Projekta značajna sredstva su planirana za podizanje (izgradnju) kapaciteta hladnjača u vlasništvu lokalnih zajednica (općina), za koje su interes iskazale samo neke općine, njih sedam. Također je Projektom razvoja ruralne konkurentnosti (Rural Competitiveness Development Project – RCDP) IFAD-7 planirano podizanje kapaciteta za skladištenje i hlađenje, kao i stvaranje tržišnih veza u lancima vrijednosti jagodastog voća, povrća, ljekovitog i aromatičnog bilja i šumskih plodova na cijelom području FBiH.

Na kraju Vas želimo informisati da je u vezi cijelokupne problematike oko otkupa i plasmana maline Predstavnički dom Parlamenta Federacije BiH na nastavku tematske sjednice o Stanju u poljoprivredi Federacije BiH (14.06.2017. godine) donio zaključak da u slučaju ekstremnih poremećaja na tržištu jagodičastog voća Vlada Federacije BiH, vlade kantona, gradovi i općine osiguraju sredstva za subvencije proizvođačima jagodičastog voća (malina), te da je, s tim u vezi, ovo Ministarstvo formiralo Radnu grupu za praćenje stanja u malinarstvu u Federaciji BiH, koja se sastoji od predstavnika otkuplivača, članova Asocijacije „Zajedno za BiH malinu“ i Saveza udruženja proizvođača jagodičastog voća, predstavnika ovog Ministarstva, te akademske zajednice i struke. Federalno ministarstvo poljoprivrede, vodoprivrede i šumarstva održava redovne sastanke Radne grupe, kao i sastanke sa resornim kantonalnim ministarstvima tako da ćemo kao Ministarstvo ovisno od proizvodne cijene maline i otkupne tržišne cijene putem informacije izvjestiti Vladu FBiH o poduzimanju daljih mjera, a u skladu sa pomenutim Zaključkom Parlamenta Federacije BiH.

S poštovanjem,

Dostaviti:

- naslovu
- a/a.

